

Broj: 01-04-13-01397/2024

Datum: 13.03.2024.godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
Predsjedavajuća Mirjana Marinković-Lepić
Veza vaš akt br. 05/1-02-85/24 od 04.03.2024.godine**

n/p – zastupnica Marjana Hrvic-Šikuljak

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
GENERALNI SEKRETARIJAT VLADE
n/p- generalna sekretarka mr.sci. Edita Kalajdžić
veza vaš akt br. 03-04-471/24 od 07.03.2024.godine**

PREDMET: Odgovor na zastupničko pitanje, dostavlja se

Federalna uprava za inspeksijske poslove zaprimila je dana 08.03.2024.godine akte gornji broj/evi koji je zastupničko pitanje koje je postavila zastupnica Marjana Hrvic-Šikuljak na sjednici Predstavničkog doma Parlamenta Federacije Bosne i Hercegovine.

Uvažena zastupnica se obratila svojim pitanjem na adrese nekoliko organa, između ostalih i Federalnoj upravi za inspeksijske poslove, a njeno pitanje se odnosilo na sporne čokoladice Milka Oreo, gdje zastupnica traži odgovor da li je Agencija za sigurnost hrane BiH iste povukla iz prodaje, te u kojim marketima su bile/ili su još uvijek u prodaji, i šta su po ovom pitanju poduzele nadležne inspekcije do sada.

U sačinjavanju odgovora za Federalnu upravu, doprinos je dao Federalni inspektorat za hranu, o čemu vas informišemo kako slijedi:

Agencija za sigurnost hrane Bosne i Hercegovine je aktom broj:04-1-2-26-12-217-2/24 od 26.02.2024.godine obavjestila Republičku upravu za inspeksijske poslove Republike Srpske, Federalnu upravu za inspeksijske poslove Federacije Bosne i Hercegovine i Ured Gradonačelnika-Inspektorat Brčko Distrikta Bosne i Hercegovine, o EU RASFF obavjesti broj:2024.1129 (komadići plastike u pločicama mliječne čokolade s komadićima keksa iz Poljske, proizvedeni od tijesta za kekse iz Mađarske).

Federalna uprava za inspeksijske poslove je predmetnu RASFF obavjest zaprimila 27.02.2024.godine, koju je glavni federalni inspektor za hranu preuzeo u rad dana 28.02.2024.godine.

Kako Federalni inspektorat za hranu, u čijem je sastavu glavni federalni inspektor i jedna inspektorica, nije dobijao obavjesti od nadležnih organa Republike Srpske o količinama povučениh spornih proizvoda, isti su izvršili 18 (osamnaest) nadzora u većim trgovačkim centrima i u Shopping centru trgovačkog društva Hercegovinapromet u Mostaru, Bišće polje bb. na dan 07.03.2024.godine, gdje su zatekli i stavili van **prometa 33 komada** spornog proizvoda.

Nakon traženja potrebnih informacija za daljnje vođenje postupka Glavni federalni inspektor za hranu je prikupio slijedeće podatke:

- Da je uvezeno **23.400** komada spornih proizvoda;
- Da je preko distribucije Sarajevo (postoji još Banjaluka i Bijeljina) distribuirano **19.395** komada prema **356** kupaca iz cijele Bosne i Hercegovine;
- Da je do sada vraćeno **20** komada distribuciji Sarajevo.

S obzirom na gore navedeno Glavni federalni inspektor za hranu je na dan 11.03.2024.godine obavjestio sve kantonalne organe nadležne za inspeksijske poslove o navedenom i zatražio da pomenuti organi provjere stanje na terenu po predmetnoj obavjesti, i o nalazu dostave povratnu informaciju u roku od 3 (tri) dana Glavnom federalnom inspektoru za hranu.

O navedenom je obavještена i Agencija za sigurnost hrane Bosne i Hercegovine, te i javnost putem web.¹ stranice Federalne uprave za inspeksijske poslove.

Nakon utvrđivanja činjenica Glavni federalni inspektor za hranu će protiv odgovornih poduzeti propisane mjere.

Koristimo ovu priliku, da uvaženu zastupnicu Hrvić-Šikuljak informišemo i upoznamo sa činjenicom da je **segment sigurnosti hrane u sistemu kontrola prilično zapostavljen** što se ogleda u nekoliko slijedećih činjenica:

¹ <https://fuzip.gov.ba/federalni-inspektori-za-hranu-povukli-iz-prodaje-33-komada-milka-oreo-mlijecnih-plocica-zbog-pronađenih-komada-plastike/> .

- Samo dva od deset kantona u Federaciji BiH (Kanton Sarajevo i Kanton Tuzla) i Federalna uprava za inspekcijske poslove imaju inspektore za hranu.
- Postojeći inspektori nemaju adekvatnu opremu za uzimanje uzoraka.
- Inspektori za hranu nemaju obezbjeđena namjenska i dostatna budžetska sredstva za službene uzorke.
- Federalni propisi koji regulišu navedeno postupanje, datiraju od prije 50 i više godina.

Smatramo da bi uvažena zastupnica, ove činjenice mogla iskoristiti za podnošenje inicijative u Parlamentu Federacije za donošenje relevantnih propisa, kao i nužnosti kadrovske popune inspekcijskih organa inspektorima za hranu.

S poštovanjem,

Dostavljeno:

- 1x Predsjedavajuća-Mirjana Marinković-Lepić
- 1 x zastupnica Marijana Hrvić-Šikuljak
- 1 x Generalna sekretarka Vlade FBiH- mr. sci. Edita Kalajdžić
- 1 x a/a



